

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 27/10/ 2025

CHHAT PUJA

ཉིན་ ལོ་ སློན་ལམ་ དང་ རང་བཞིན་ མཐའ་སྐྱོར་ ལོ་ ཐུང་མེ་ ཕུལ་ཤད་ དུས་ཆེན་ Chhat Puja ད་རིང་ རྒྱལ་ཁབ་ གང་རྒྱས་ ན་ སྐབ་ཐོབ་ དེ་པ་ དང་ དགའ་ལྷན་ བྱས་ སྤང་ཆེད་ བྱས་པོ་ ཞིན། དུས་ཆེན་ འདི་ ཉི་མོ་ ལྷ་ དང་ Chhat Maya གི་ འབས་བསྟེན་ མཉམ་ཅེ་ འབྲེལ་བ་ ཡོད་པོ་ སྤང། ག་ན་ དད་པོ་ ཅན་ ཅུ་ གི་ གནམ་གཤེ་ ལོ་ གཙང་ལྷན་ དང་ འཛམ་བོ་ གི་ ཐོག་ལས་ ར་ཚོང་ དང་ སྤྱི་ཚེད་ གི་ དགའ་ལྷན་ དང་ ཕུན་སུམ་ དོན་ལས་ གསོལ་བ་ བཏབ་ཏེ་ སྤང། དུས་སྐབས་ འདི་ ན་ སྤིང་སྦྱོང་ Om Prakash Mathur དང་ གཙོ་སྤྱི་ སློན་པོ་ Prem Singh ཏྲ་དམག་ གིས་ ཐམས་ཅད་ ལོ་ དགའ་ལྷན་ སློན་ལམ་ འབའ་ ཡོད། སྤིང་སྦྱོང་ Mathur གི་ རང་ གི་ དགའ་ལྷན་ སློན་ལམ་ ན་ གསུང་པོ་ ཞིན་ - དུས་ཆེན་ འདི་ གི་ དད་པོ་ སྤིང་མེ་ དང་ སྐབ་ཐོབ་ གི་ ལོད་ཤོག་ དཔར་བྱས་ འབའ་བཞིན་ སྤྱི་ཚེད་ ན་ གཅིག་མཐུན་ ལེདམ་ དང་ ཕན་ཚུན་ བྱམ་ལྷན་ གི་ ལོན་ བད་ཤད་ སློན་ལམ་ བཏབ་པོ་ ཞིན། དེ་རང་ བྱས་ གཙོ་སྤྱི་ སློན་པོ་ Prem Singh ཏྲ་དམག་ གིས་ རང་ གི་ ལོན་ ན་ གསུང་པོ་ ཞིན་ - Chhat དུས་ཆེན་ འདི་ ཉི་མའི་ ལྷ་ གི་ གཏག་ ཞིན་ ག་འདི་ གི་ རྒྱག་ སྤིང་མེ་ དང་ ཆེད་ལམ་ གི་ ལོན་ བྱིན་པོ་ གནང་ཡོད། ཁོང་ གི་ གསུང་པོ་ ཞིན་ - ཉི་མའི་ ལྷ་ཡི་ སློན་ལམ་ གི་ ཐམས་ཅད་ གི་ མི་ཚེ་ ན་ དགའ་ལྷན་ ཕུན་སུམ་ དང་ ཕན་ཚུན་ ཚམ་ལྷན་ ཐོན་ཤད་ ཞིན། འདི་ གཙང་ལྷན་ དུས་ཆེན་ གི་ ང་ཅའི་ ཅིག་མཐུན་ དང་ མཐུན་ལམ་ ལོ་ ད་རིང་ དྲིང་དྲིང་ བཟོ་ཤད་ དང་ སོར་ལྷན་ ཐོན་ཤད་ སློན་ལམ་ གཏབ་པོ་ ཞིན།

CM

གཙོ་སྤྱི་ སློན་པོ་ Prem Singh ཏྲ་དམག་ གིས་ ད་རིང་ Samman Bhawan ན་ Virtual ད་གྲིང་ ལས་ བྱང་ཤར་ ཡུལ་ཚེད་ གི་ འགྲལ་སྐྱོར་ འབྲེལ་ཕྱི་ ཐོ་ལྷན་ གས་ ཚེད་བསུ་ གི་ ཚེད་བསུ་ 4 པོ་ ན་ ཐུང་འགན་ ལེན་པོ་ ཞིན། ཚེད་བསུ་ འདི་ བྱང་ཤར་ ཡུལ་ཚེད་ ཡར་རྒྱས་ སློན་ཚེད་ ཁང་ གི་ སློན་པོ་ Jyotiraditya M. Scindia གི་ དབྱ་ཁྲི་ ན་ དང་ དབྱས་གཞུང་ འགྲལ་སྐྱོར་ སློན་པོ་ Gajendra Singh Shekhawat ན་ བཞག་ ཀོ་ ཞིན། ཚེད་བསུ་ ན་ བྱང་ཤར་ ཡུལ་ཚེད་ གི་ འགྲལ་སྐྱོར་ ཀོ་གྲིང་ ཀོ་ དང་ ཡོང་དོམ་ ཡར་རྒྱས་ དོན་ལས་ ཡུད་རིང་ འཆར་གཞི་ བཟོ་ཤད་ དོན་ལས་ བཞག་མཁན་ ན་ བཀའ་མོན་ གནང་པོ་ ཞིན། ཡུལ་ཚེད་ མཐུན་འབྲེལ་ལོ་ ད་རུང་ ལེདམ་ བཟོ་ཤད་ དོན་ལས་ DONER སློན་པོ་ གི་ འབས་སྦྱངས་ Arunachal Pradesh, Tripura དང་ Meghalaya བྱས་ ༤ ཐམ་བ་ མངའ་ཕྱི་ འབྲས་མི་ ཡོད་མཁན་ ཐོ་ལྷན་ གས་ ཚེད་བསུ་ ཚུམ་ལ་ ཡོད། ཚེད་པོ་ ཨོ་འདི་ གི་ ཡུལ་ཚེད་ གི་ འགྲལ་སྐྱོར་ ཕྱོད་ གི་ ཀོ་སྐབས་ དང་ བདོན་སྤྱད་ ཅུ་ ཡོད་ཚུལ་ གནང་ཕྱི་ ཡོང་དོམ་ ཡར་རྒྱས་ བྱས་ཤད་ འགན་ལེན་ ཐོབ་ ཡོད། ཚེད་བསུ་ ན་ བྱང་ཤར་ ལོ་ རྒྱུད་ལྷན་ བཟོ་ཤད་ ཡུད་རིང་ འགྲལ་སྐྱོར་ སྤང་དར་ སྤང་ལོན་ དང་ ད་གྲིང་ ན་ རྒྱར་བ་ བྱས་ཤད་ རུས་ཤུང་ རྒྱར་བ་ དང་ ཡུལ་ཚེད་ གི་

རིག་གཞི་དང་རང་བཞིན་མཐའ་སྐྱོར་མཐུན་འབྲེལ་ད་གི་རྒྱུ་ཤད་གེམ་རྒྱལ་ཆེན་མགོ་ཡིག་ཅུ་ན་འབྲེལ་ཤད་བཀའ་མོན་གནང་ཤད་ལབ་ཏི་གཙོ་བོ་སྒོ་ན་པོ་གི་གསུང་བོ་གནང་ཡོད། ཁོང་གི་བྱང་ཤར་ཡུལ་ཚོར་གྱི་རྒྱལ་ཆེན་དང་མང་གཏམ་ལོ་ལག་ལེན་གནང་བཞིན་དང་ཁ་འབམ་ཤད་འགྲལ་སྐྱོར་ཡར་རྒྱས་གྱི་དོན་ལས་ཅིག་མཐུན་ཐབས་ལམ་བྱས་ཤད་གོ་སྐབས་ཡོད་པོ་གསུང་བོ་ཨིན།

PRATIKSHA POUDYAL

ནམ་ཅི་རྫོང་ཁའི་དོན་བཞིན་Sadam གི་Pratiksha Poudyal གིས་National Science Seminar 2025 ན་འབས་རྫོངས་གྱི་དབུ་ཁྲི་བྱས་ཤད་ཐོན་ཡོད། གཞུང་འབྲེལ་འབྲིང་རིམ་ཐོབ་འདི་སློབ་གྲྭ་Sadam ན་འཛིན་རྒྱལ་༡༠ ན་ཆོས་སྒྲིག་མཁན་Pratiksha Poudyal Bal Bahadur Poudyal དང་Da Doma Sherpa གི་བྱ་མོ་ཨིན། ད་རེ་རང་ལོ་འདི་གི་རྒྱལ་ཁབ་མཚན་རིག་Seminar གི་དོན་ལས་རྫོང་ཁའ་དང་མངའ་སྡེ་གསུམ་ན་འགོ་གནས་དང་པོ་ཐོབ་ཚུད་ཏི་རྒྱལ་ཁབ་གསུམ་བདོན་སྤྱད་ན་འགོ་གནས་ཐོབ་པོ་ཨིན། Pratiksha གི་Sept ཆོས་༩ གི་ཉིན་ནམ་ཅི་ན་བཞག་མཁན་རྫོང་ཁའ་གསུམ་གི་བདོན་སྤྱད་ན་རྒྱལ་བའི་རྒྱལ་ལས་Sept ཆོས་༢༥ གི་ཉིན་སྐར་ཏྲག་ན་ཐོན་མཁན་མངའ་སྡེ་གསུམ་བདོན་སྤྱད་ན་ལོ་ཤོག་སྐྱམ་བཞེན་ཡུལ་ཏི་ཡང་དང་པོ་ཐོབ་པོ་སྤང། ཁོང་གི་ད་འོང་མཁན་Oct ཆོས་༩༠ གི་ཉིན་Bengaluru ན་ཡོད་མཁན་Visvesvaraya Industrial and Technological Museum ན་བཞག་མཁན་National Science Seminar ན་ཁྱད་ལེན་བཞིན་འབས་རྫོངས་ཁྱི་ཕྱོད་ལས་ཐུར་འགན་ལེན་ཤད་ཨིན། འདི་ལོ་ཨ་ཏར་གི་seminar གི་མགོ་ཡིག་འདི་Quantum Age Begins: Potentials and Challenge ལབ་ཏི་བཞག་ཡོད་ག་འདི་དོན་བཞིན་རྒྱལ་ཁབ་ཕྱི་རྒྱལ་གྱི་སློབ་ཕྲུག་ཅུ་གི་Quantam མཚན་རིག་འབྲེལ་སྡེ་གོ་སྐབས་དང་བདོན་སྤྱད་ཅུ་སྐར་ལས་སོ་སའི་བསམ་སྒོ་དང་ཞིབ་ཐུང་ཕུལ་ཤད་དོན་ལས་ཨིན།

SOCIAL WELFARE DEPARTMENT

འབས་རྫོངས་གཞུང་གི་སྤྱི་ཚོར་ཡར་རྒྱས་ལས་ལག་དོན་བཞིན་གི་མི་རིུ་རྒྱབ་གེལ་ཞིབ་ཐུང་དང་སྤྱད་དར་ལས་ཁུངས་Assam Lingzey ན་ད་རིང་ལས་ཉིན་ཐ་༧ སང་ལྟེ་ཐོན་མཁན་གཙོ་བོ་མི་རིུ་རྒྱབ་རྒྱལ་སྤྱད་སློབ་དཔོན་ཅུའི་དོན་ལས་སྤྱད་དར་ཤེས་ཡོན་འགོ་བཙུག་ཡོད། སྤྱད་དར་ལས་རིམ་འདི་འབས་རྫོངས་གཞུང་གི་སྤྱི་ཚོར་ལོག་ཏུ་ལས་ལག་གི་ཤེས་རིག་ལས་ལག་དང་རྒྱ་གར་གཞུང་གི་མི་རིུ་རྒྱབ་རྒྱལ་འབྲེལ་བའི་སྒོ་ན་ཚོར་ཁང་གི་རྟོ་རམ་ན་བཞག་གོ་ཨིན། ད་རིང་འགོ་ཕྱི་ལས་རིམ་ན་སྤྱི་ཚོར་ལོག་ཏུ་ལས་ལག་གི་དྲུང་ཆེན་Sarika Pradhan གི་སྐུན་དོན་གཙོ་བོ་དང་སྤྱད་མཉམ་ཅེ་དེབ་ཁང་གི་འཛིན་སྐྱོང་གི་Director འདོམ་A.D Chettri སྐུན་དོན་གཙོ་བོ་ཐོན་བཞུང་པོ་སྤང།